

structiones facit lethales, sanguine postea vix diluentibus vel resolventibus auscultante; unde omne fere morborum acutorum genus produci potest.

717. Ergo initio semper cohibendus, nisi constet, materiem morbi adeo tenuem esse, ut cum primo sudore difflari possit.

718. Prohibetur surgendo ex lecto; sedendo; corpus a nimiis integumentis liberando; aërem frigidiusculum admittendo; calidis, calefacientibusque abstinentio; potu plurimo leni, blando, frigidiusculo saepe utendo, ut amissi damnum resarciantur cito, circulationem nimis velocem refraenando. (102. ad 106.)

### DIARRHOEA FEBRILIS.

719. Diarrhoea pro materie habet mucum, lympham, gluten, pus, saniem sanguinem, narium, oris faicum, oesophagi, ventriculi, hepatis, vesiculae fellei, pancreatis, intestinorum, mesenterii; pro causa vires in intestina expellentes validas, dum in ipsis intestinis contrahentes vires debiles, vel in vasis intestinalium absorbentibus impedimenta, ne admittant.

720. Quae liquet, fluorem alvi in febris multiplicem esse quoad materiem;

call-

causam; effectus; eventum; adeoque saepe omnino incurabilem esse; & raro colliquatum, eumque vix unquam medicabilem.

721. Si continuatur diu, viscera abdominalia magis magisque in eundem morbum disponit; eadem labefactat; excoriat; inflammat; reliqua autem vasa & viscera emungit, exhaustit; hinc atrophia, maces, debilitas, dysenteria, inspissatio fluidorum per totum habitum corporis; solidorum laxitas; fluidorum jactura; leucophlegmatia; hydrops; tabes.

722. Sanatio absolvitur acris irritantis lenimine; expulso per emetica, purgantia, clysmata; corroboratione laxi; pacatione impetus per narcotica; determinatione ailiorsum per sudores, urinasve; subductione materiae morbosae, correctio ejus fonte primo.

### EXANTHEMATA FEBRILIA.

723. Pustulae inflammatoriae habent ut plurimum pro materie aliquid, quod minima vascula cutanea transire non potest, sed ibidem haeret; pro causa autem vim vitae circulatoriam, secretoriam, excretoriam: unde pro variis hisce causis valde multiplices sunt, unde febres nomen dein accipiunt, erysipelatosae, scarlatinæ, pete-